

Punti prima sul Mont de Brunœa
che'l fa da sfond a la vallada
e che incoeu el pâr chi tacaa
a on tir d'ona scioppetada.

E peu giri scià sul Mont de Piazza'
fin dua gh'é lo Sorgent del Cûs
(compermess che an bevi ona tazza!)
peu vegni a Cozzena, a S. Ambrôs.

Me contava el pover missee
(parli ammò de tanti an indree)
cheél noster paés, bell e brutt
in sti dò frazion l'era lì tutt/

La Gésa ne fa testimonianza
infatti l'é troppa la lontanœza
col paés, ma quant la portavan abbass
anca mi anderò a confessass.

Se dovaria nominà Cozzena
Capitale de la vallada
che d'antichitaa in cancrena
ghe n'é ona sterminada;

E la frazion de Campagnara
per la sue bella posizion
che la domina tutt la plaga,
sia la Regina de tutt i nost frazion.

Ol mé sguard mò l'é ai "Scalett"
Quatter cà alla paisana
che fan fiera sentinella
Al Confin che l'é " Rongiana "

E mò vedi sù " Casaric "
tutt de front, senz fianc,
dove propi g'havuu i natali
la nota stirpe di Cobianc.

Ol me sguard al sa estend
E mò al gira sùra Vacall
vedi l'effett del Soo che'l splend
e che inonda tutt la Vall.

Adess ma basta un'oggiada sola
per vedé tutt el mé paés
dalla scima dal Mont fin alla Fola
par travers e par distes.

In frazion e frazionett
Spantegaa in pöö dappartutt
E me par che come effett
L'é pussee bell di pussee brutt!

Se osservi el panorama
dal Pizzamei fina a Mornell
El me coeur sincer l'esclama:
" Car paes, te set propi bell!

Bisogna di che la nosta gent,
se nò l'è tutta ona bellezza,
la figura discretament

con la noeuva giovinezza.

*Se de difett l'è minga senza
L'è pur anca de cœur bon;
Per on bisogn la vò in cardenza
E la fa part del sò boccon.
Per ol paes, per ona festa.
Semper con stancio la se presta,*

Caminon e ciminier
disan ben a chi i a veda
la grand'industria di Carter
e l'industria della Seda

E adess védom a Maslianic
Sviluppà i Officin Meccanic
Con la Fonderia lì visin
Di Carcan Giromin !

UN ANNO DOPO :

LA REALIZZAZIONE DELL' ACQUEDOTTO COMUNALE
=====

OTTOBRE 1929 =

L' Egregio nostrp Podestà
Cheél trascura mai nagott
Con tenace volontà
La fà tant che l'Acquedott
L'é incoeu n'a realtà.
E pel paes de sura e sott
Dai Fontan se ved sbrinzà
L'Acqua del "Fich " provvidenzial
Che in gir nò gh'é l'egual.

E lode adunque sian rese
Al nostro Emerito Podestà
Che per l'amato Suo paese
La Sua mente e il braccio dà.